



Tuhaayaghat

Tuhaqtitaunariqtughaq

Iqalliqiyit Taryuliyiyillu Kanatami (DFO) taapkualu Kaniitian Umitjat Annaktiit (CCG) Naammagiyait Nutaat Aviktuqhimayut Kikliluiqhimayut Ihuaqhivaalliriamik Ikayuutait Ukiuqtaqtumi

Qiqailruq 5, 2021

Iqaluit, Nunavut

Iqalliqiyit Taryuliyiyillu Kanatami

Iqalughiuqtit, imaqmi amirinnaiq, munaqhiyullu taryumiutat nayugait aghuurnaqtut Ukiuqtaqtumi nunallaarnut. 2018-mi, Iqalliqiyit Taryuliyiyillu taapkualu Kaniitian Umitjat Annaktiit ilittuqhitihimayut taimaa aulapkainiaqhimayaat avalittumik-makitayunik Ukiuqtaqtumi Aviktuqhimayunik hivumuuqtittiyaamik ihuaqhainiqmik, ikayuqtigiingniqmik katimaqatigiingniqmiklu inungnuillu, Hivulliit Nunaqaqqaahimayut Aallaillu timiqutait kavamaillu, aviktuqhimayuniklu ahiniklu ikayuqtigiingnik.

Uplumi, Ministauyuq talvani Iqalliqiyit Taryuliyiyillu talvanilu Kaniitian Umitjat Annaktiit, Nanngariyauyuq Bernadette Jordan, ilittuqhitihimayut aghuurnaqtumik atuqtaghamik: Havakviup Ukiuqtaqtumi AViktuqhimayut kikliluiqhimayunik. DFO-kut taapkualu Umitjat Annaktiit Ukiuqtaqtumi Aviktuqhimayuit hanavalliahimayait hapkua aviktuqhimaniit ikayuqtigiighutik inuillu ikayuqpagaat; una aghuurnaqtuq ihumaliuqaq hivumuuqtittiniaqtuq hakugitqiyaniq aullaqtitaghamik ikayuutighaniklu ahiittunut ihariagiyainut ikayuqpagamik Ukiuqtaqtumiut nunallaat.

Ihuaqhainiq katimaqatigiingniqlu irinigivagait Kavamatuqakkut Kanatami, talvuuna Iqalliqiyit Taryuliyiyillu Kanatami taapkualu Kaniitian Umitjat Annaktiit Aviktuqhimaniit katimaqatigivagait Ukiuqtaqtumiut tamaita Inuit, Hivulliit Nunaqaqqaahimayut, Aallait timiqutaillu; aviktuqhimayuni aviktuqhimayumilu kavamaat; hannaviit; ilihaqviit; ahiillu kavamatuqait havakviit; avatiliqiyillu kavamaunngittullu timiqutait. Taimaa katimaqatigiighutik ikayuutauyuq ilittuqhitiyaamik hanayut kikliluiqhimayuqlu nutaani Aviktuqhimayunit, taimaa pilaarutilgit ilaayut atauttikkuat hivumuuqpalliyaamik.

Ukiuqtaqtumi Aviktuqhimayumi taapkua Iqalliqiyit Taryuliyiyillu Kanatami taapkualu Kaniitian Umitjat Annaktiit taapkuanguyut Yukon North Slope, Nunattiaq, Nunavut, Nunavik, Nunatsiavut, Hudson Kangiqhua James Kangiqhualu. Hapkua kikliluiqhimayut tamatkiqhimayaat Inuit Nunangat, aghuurnaqtuq maliktaghaq ilitturiyauhimayuq katimaqatigiplugit ikayuqtivut.

Qaffiyut aghuurnaqtut havaaghat aullaqtiqhimayut Ukiuqtaqtumi Aviktuqhimayumi, taimaalu havaktighaqhiuqhutik nunallaarmi katimayit parnaiyiinik (CEC) havaqatigiplugit nunallaat inuillu ikayuriamik aullaqtittiyut Ukiuqtaqtumi Aviktuqhimayunik. Taapkua CEC-nguyut kivgaqtiunnguaqtut nunallaarnit Havakvingniklu ikayuqtigiplugillu hakugighaqhugu ikayuqtigiiktut ilagiingniit. Hapkua havaktiit hiamittut Ukiuqtaqtumi Aviktuqhimayumi tamaat. Aviktuqhimaniit havakvighanighugit Ukiuqtaqtumiut havaktiit atuqpaghugillu Nunaqaqqaahimayut Qauhimayatuqait.

Hapkua havaaghat kiutjutaayut ihariagiyainut irinigiyanullu ilittuqhitihimayaita ikayuqtigait katimaqatigiighutik. Hivumuuqpalliapluta, iniqniaqhimayugut havaaghamik taimaa Inuit, Hivulliit Nunaqaqqaahimayut Aallaillu inuit qitqaniittaamik ihumaliuqtinit maligaghaliuqtunilu.

Uqauhiit

“Ukiuqtaqtuq ahiittuq inuillu aimavigiyaat ihuaqtukkut illituriyauyughat Kavamatuqanit Kanatami, taimainmat havaqatigiighuta ikayuqtigiighutik ihuaqtukkut iniqhivaktugut. Taryuutivut ahiittuq pivighaq, taimaalu naahurittiaqtunga unipkaarutigiamik Ukiuqtaqtumiut Kanatam tunguyaaqtumi manighiuqviinit, tuhaayaamiklu ihumagiyaaffi havaaghanut ayuqhautinullu. Atauttikut ihuaqhaihimmaarahuaqtugut imaqmi amirinnaiqmik avatinullu kiutjutinut havaklutiklu munariyaamik 25%-nguyumik taryumik ukiuq 2025 tikitinnagu taimaalu 30%-nguyumik ukiuq 2030-nguqtinnagu. Hapkua havaaghat iniqtaulaittut ilauhimaitkumik Ukiuqtaqtumiut, Inuit, Hivulliit Nunaqaqqaahimayut, Aallaillu inuit, taimaalu havakniaqhimayugut taimaa ihumaliuqhimayut Ukiuqtaqtumut ihumaliuqhimayaamik Ukiuqtaqtumi.”
Nanngariyauyug Bernadette Jordan, Ministauyug talvani Iqalliqiyit Taryuliqiyillu talvanilu Kaniitian Umitjat Annaktiit

“Quviahukpiaqtunga tuniqhihimayaamik uplumium illittuqhitiinik kikkiliuqhimayumut nutaamik Ukiuqtaqtumi Aviktuqhimayunik talvani Havakvianit Iqalliqiyit Taryuliqiyillu Kanatami taapkualu Kaniitian Umitjat Annaktiit. Kikkiliuqhimayumi ilauyut tamangnik hitamauyut aviktuqhimayuit talvani Inuit Nunanganit hivumuurutauyug hanavalliatjutauplunilu Kavamatuqakkut Kanatami havauhiinik ilitariniqmik Inuit inmikkut-aulapkaiyumaniqmik.”
Natan Obed, Angayuqqaq, Inuit Tapiriit Kanatami

“Hanatqiktut hanayullu Ukiuqtaqtumi Aviktuqhimayumik Treaty 11-mit taapkualu Treaty 8-mit nunautainik Dene-kut havaqatigiyaamik atauttikut taapkua DFO/CCG munariyaamik Dene Treaty-ngat iqalughiurniqmut pilaarutainik ihuaqhivalliayaamiklu Dene-kut imarmi amirinnaiqmik taimaalu havaqatigiyaamik Nunaqaqqaahimayut ikayuqtivut taapkua Inuvialuit, Allait, Inuillu taapkualu Cree itqiliit taimaa pilaarutivut munaqtauyaamik talvani Inugianqniqmi Ukiuqtaqtumi aviktuqhimayumi.”
Nunaptingnit Ataniqyuaq Norman Yakeleya, Dene Nunaqaqqaahimayut

“Kivgaqtuqhugit Aallait Nunaqaqqaahimayut nunalgit Nunaptingni tamaat, quyagiyumayara Kanata katimaqatigingmagit Aallait kavamait Manitoba-mi hanagamik nutaamik avallittumik-makitayumik Ukiuqtaqtumi Aviktuqhimayumik. Taapkua Manitoba-mi Aallait Katimayit huli ukiuqtaqtumi manighiurahuapaktut ikayuriamik ihariagiyaainut Aallait nunaqaqtut, havaktunik niqighaqhiuqtuniklu inuilrumi nunallaarnit. Iitquhitut, Aallait inuit illiturrinnainnaqtut ukiuqtaqtumi. Nutaq Ukiuqtaqtumi Aviktuqhimayug ikayuutauniaqtuq ihuaqhaiyunik ikayuutininik aullaqtitaghaniklu nuatqativut ihariagiyaainik, havaktighaqhiuqlutik talvani Aallait Kavamainit, taimaa Aallait ihumaliuqniqmut hakugingniqariamik ihumagiyaillu hivullutiyaamik Ukiuqtaqtumi Aviktuqhimayumi.”
David Chartrand LL.D (Nanngariyauyug), O.M., Angayuqqaq, Manitoba Aallait Katimayit

“Nih-Gee-mah-gunn Cree-tut uqauhimnit illittuqhitiilik taimaa “Pauqatiga”, ikayuqtigiiktut, katimaqatigiiktut, ikayuutauyut ingilraviliuriamik iniqhittiariamik, talvanngallu amihunik ilannanikpaktut. Hamani Irininaqtunik Munaqtiuyut Ikayuutait Mushkegowuk Katimayinit angmaumavaktut nutaanut havaaghanut talvani DFO-kunnit talvanilu Kaniitian Umitjat Annaktiit Aviktuqhimaniit; nakuruttighugit taapkua nunalgit atuqpaghugillu irininaqtunut ikayuutainit ukiuqtaqtumi Hudson-mi James-millu kangiqhuanit. “Naahurinnaittut Piyauullaqapaktut Parnaihimayunut Ihumanut”.
Wilbert Wesley, Irininaqtunik Munaqtiuyut Ikayuutait, Mushkegowuk Katimayit

Kayumiktut Naunaiqhitit


- Iqalliqiyit Taryuliqiyillu Kanatami tajja 7-nik titiraliqivilgit aviktuqhimayunik: Newfoundland Labrador-lu, Kivalliqhiit Taryuq, Gulf, Quebec, Ontario taamnalu Prairie, Ukiuqtaqtumi, Ualiniqhiqmilu.
- Kaniitian Umitjat Annaktiit tajja hitamanik aulapkaivilgit aviktuqhimayunik: Ualiniqhiq, Qitiqmiut, Ukiuqtaqtumi, Kivalliqhiqmilu.

Ilauyut Hunavaluit


- [Inuit Nunangat Nunauyaq](#)

Piksautit


Kaniitian Umitjat Annaktiit Ukiuqtaqtumi Aviktuqhimaniit Nunauyaq




Kaniitian Umitjat Annaktiit Aviktuqhimaniit Nunauyaq



Iqalliqiyit Taryuliqiyillu Kanatami Ukiuqtaqtumi Aviktuqhimaniit Nunauyaq





– 30 –

Naunaittiarumaguffi:

Jane Deeks
 Tuhaayaghanut Titiraqti
 Havakviat Ministauyuq talvani Iqalliqiyit Taryuliqiyillu
 talvanilu Kaniitian Umitjat Annaktiit

343-550-9594
Jane.Deeks@dfo-mpo.gc.ca

Tuhaqtittiyit Havaqatait
 Iqalliqiyit Taryuliqiyillu Kanatami
 613-990-7537
Media.xncr@dfo-mpo.gc.ca

Atataqhimalutik

- Maliklugit Havakviat Iqalliqiyit Taryuliyiyillu Kanatami talvani [Twitter](#), [Facebook](#), [Instagram](#) talvanilu [YouTube](#).
- Maliklugit Havakviat Kaniitian Umitjat Annaktiit talvani [Twitter](#), [Facebook](#), [Instagram](#) talvanilu [YouTube](#).
- Atiliqhimaluhi tuniyauvagiamik tuhaayaghanik ahiniklu talvuuna RSS-kut titiraqviigut. Naunaittiariamik atiliqhiyaamikluuniit, pulaaqlugu <http://www.dfo-mpo.gc.ca/media/rss-eng.htm>.